

Broj: 01-02-343/20
3. juna 2020.
Travnik

PREDSJEDAVALAČI SKUPŠTINE
Josip Kvasina, s. r.

506

Na osnovu tačke j) stava 1. člana 32a. Ustava Srednjobosanskog kantona („Službene novine Srednjobosanskog kantona“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

U K A Z
O PROGLAŠENJU ZAKONA
O UBLAŽAVANJU NEGATIVNIH
EKONOMSKIH POSLJEDICA

I.

Proglašavam Zakon o ublažavanju negativnih ekonomskih posljedica, koji je donijela Skupština Srednjobosanskog kantona na IV. vanrednoj sjednici održanoj 22. juna 2020. godine.

Broj: 01-02-385/20
22. juna 2020.
Travnik

PREDSJEDAVALAČI SKUPŠTINE
Josip Kvasina, s. r.

507

Z A K O N
O UBLAŽAVANJU
NEGATIVNIH EKONOMSKIH POSLJEDICA
DIO PRVI – UVODNE ODREDBE

DIO PRVI – UVODNE ODREDBE

Član 1.

(Predmet)

Ovim zakonom propisuje se: sufinansiranje dijela minimalne netoplaće na nivou Federacije Bosne i Hercegovine (u daljnjem tekstu: Federacija), sufinansiranje umanjenja dohotka vlasnika samostalne djelatnosti, do visine dijela minimalne netoplaće na nivou Federacije, aktiviranje namjenskih sredstava s ciljem ublažavanja negativnih ekonomskih posljedica na privredu, oslobađanje od naplate parafiskalnih nameta za vrijeme stanja nesreće, očuvanje stabilnosti socijalnih davanja i podrške programima iz oblasti privrede, s ciljem očuvanja radnih mjesta, jačanja konkurentnosti i ekonomskoga rasta.

Član 2.

(Značenje pojedinih pojmova)

Pojmovi koji se koriste u ovom zakonu imaju sljedeće značenje:

a) poslovnim subjektima smatraju se pravna lica, odnosno privredna društva, osim javnih preduzeća, banaka i drugih finansijskih organizacija, javnih institucija, organa uprave, organa i jedinica lokalne samouprave, te fizička lica koja samostalno obavljaju registrovanu poslovnu djelatnost, isključujući one koji, u skladu s propisima o porezu na dohodak, porez na dohodak, na tom osnovu, plaćaju prema paušalno

utvrđenom iznosu;

b) minimalna plaća predstavlja minimalnu zaradu za određeni posao, koju poslodavac mora isplatiti prema zakonu ili ugovoru;

c) parafiskalni nameti su obavezna davanja koja se prikupljaju od fizičkih i pravnih lica a nemaju karakter poreza;

d) stanje nesreće je stanje utvrđeno Odlukom o proglašenju stanja nesreće uzrokovanog pojavom koronavirusa (COVID-19) na području Srednjobosanskog kantona, broj: 01-11.7-251/20 od 17. marta 2020. godine („Službene novine Srednjobosanskog kantona“, broj 4/20).

e) socijalna zaštita je organizovana društvena djelatnost usmjerena na zaštitu pojedinca i porodice ili grupe lica koja se nađu u stanju socijalne potrebe, u Srednjobosanskom kantonu (u daljnjem tekstu: Kanton).

Član 3.

(Primjena Zakona)

(1) Odredbe ovoga zakona odnose se na sve poslovne subjekte koji ispunjavaju uvjete propisane ovim zakonom.

(2) Ako su drugi kantonalni zakoni u suprotnosti s ovim zakonom, primjenjivat će se ovaj zakon.

DIO DRUGI – MJERE UBLAŽAVANJA NEGATIVNIH
POSLJEDICA

Član 4.

(Otvaranje novoga ekonomskog koda)

(1) S ciljem ublažavanja negativnih ekonomskih posljedica, otvara se novi ekonomski kod – pozicija u Budžetu Srednjobosanskog kantona za 2020. godinu („Službene novine Srednjobosanskog kantona“, broj 1/20; u daljnjem tekstu: Budžet Kantona), pod nazivom „Sredstva pomoći realnom sektoru u smanjenju posljedica uzrokovanih pandemijom koronavirusa“, na koju se pozicioniraju raspoloživa namjenska sredstva i sredstva koja će se osigurati uštedama na pozicijama tekućih i kapitalnih transfera Budžeta Kantona te od primitaka s viših nivoa vlasti, a iznos sredstava će se utvrditi izmjenama Budžeta Kantona.

(2) Sredstva s pozicije iz stava (1) ovoga člana utrošiti će se prema programu utroška sredstava, za svaki mjesec posebno, s kriterijima raspodjele sredstava, koji će Vladi Srednjobosanskog kantona (u daljnjem tekstu: Vlada Kantona) predložiti Ministarstvo privrede (u daljnjem tekstu: Ministarstvo). Javni poziv za dodjelu finansijskih sredstava provodit će Ministarstvo.

(3) Odluku o raspodjeli sredstava s pozicije iz stava (1) ovoga člana donosi Vlada Kantona na prijedlog Ministarstva.

Član 5.

(Namjenska sredstva)

(1) Namjenska sredstva korisnika Budžeta Kantona staviti će se na raspolaganje radi ublažavanja negativnih ekonomskih posljedica,

(2) Vlada Kantona će svojom odlukom obaviti prenamjenu sredstava iz stava (1) ovoga člana, uvažavajući prioritet u njihovoj realizaciji.

**Član 6.
(Sufinansiranje)**

(1) Dio minimalne netoplaće na nivou Federacije sufinansira se u skladu s odredbama ovoga zakona, iz sredstava Budžeta Kantona.

(2) Poslovni subjekti iz tačke a) člana 2. ovoga zakona imaju pravo na sufinansiranje dijela minimalne netoplaće na nivou Federacije u skladu s ovim zakonom, počevši od aprila 2020. godine i za svaki naredni mjesec, uključujući i mjesec nakon prestanka stanja nesreće, shodno raspoloživim sredstvima u Budžetu Kantona.

(3) Pravo na korištenje sredstava s pozicije „Sredstva pomoći realnom sektoru u smanjenju posljedica uzrokovanih pandemijom koronavirusa“ ostvarit će poslovni subjekti:

a) kojima je naredbama Federalnog štaba civilne zaštite zabranjen rad;

b) koji su u 2020. godini imali pad ostvarenoga prometa od 20% i više, uzrokovan pandemijom koronavirusa, u odnosu na isti mjesec 2019. godine.

(4) Ostvareni promet iz tačke b) stava (3) ovoga člana utvrđuje Federalno ministarstvo finansija – Kantonalni porezni ured Novi Travnik, na osnovu podataka o prometu evidentiranom, preko fiskalnih sistema, na serveru Poreznog ureda.

**Član 7.
(Kriteriji za ostvarivanje prava)**

Vlada Kantona će posebnim aktom, na prijedlog Ministarstva, propisati kriterije za ostvarivanje prava iz člana 1. ovoga zakona, a sve u roku od osam dana od dana stupanja na snagu ovoga zakona.

**Član 8.
(Privremeno odgađanje naplate)**

U periodu dok traje stanje nesreće i 30 dana nakon prestanka nesreće, odgađa se plaćanje naknade za istraživanje ili eksploataciju mineralnih sirovina, odnosno naknada za koncesije pravnim licima i fizičkim licima koja obavljaju samostalnu registrovanu poslovnu djelatnost.

**Član 9.
(Privremeno oslobađanje od parafiskalnih nameta)**

(1) U periodu dok traje stanje nesreće i 30 dana nakon prestanka nesreće, administrativne i sudske takse, kantonalna naknada za šume, boravišna taksa i članski doprinos turističkoj zajednici neće se naplaćivati pravnim i fizičkim licima koja obavljaju samostalnu registrovanu poslovnu djelatnost.

(2) Daje se mogućnost općinama s područja Kantona da oslobode privredne subjekte plaćanja komunalnih taksa i komunalnih naknada, naknade za zakup javne površine te naknada za iznajmljeno zemljište i prostor u vlasništvu općine.

**Član 10.
(Održavanje stabilnosti socijalnih davanja)**

S ciljem održavanja stabilnosti i pravovremenih isplata socijalnih davanja na dostignutom nivou, a imajući u vidu posljedice pada prihoda izazvane stanjem nesreće, nedostajuća sredstva će se osigurati uštedama u okviru Budžeta Kantona za 2020. godinu.

DIO TREĆI – PRIJELAZNE I ZAVRŠNE ODREDBE**Član 11.
(Važenje Zakona)**

Ovaj zakon važi 30 dana od dana proglašenja prestanka stanja prirodne nesreće izazvane pandemijom koronavirusa.

**Član 12.
(Stupanje na snagu)**

Ovaj zakon stupa na snagu narednoga dana od dana objave u „Službenim novinama Srednjobosanskog kantona“.

Broj: 01-02- 386/20
22. juna 2020.
Travnik

PREDSJEDAVALAČI SKUPŠTINE
Josip Kvasina, s. r.

**V L A D A
SREDNJOBOSANSKOG KANTONA**

508

Na osnovu stava 2. člana 49., a u skladu s članom 66. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) te na prijedlog Ministarstva finansija, Vlada Srednjobosanskog kantona, na 40. sjednici održanoj 17. aprila 2020. godine, donosi

**O D L U K U
O IZVRŠAVANJU SREDSTAVA NEPLANIRANIH
U BUDŽETU SREDNJOBOSANSKOG KANTONA
ZA 2020. GODINU****Član 1.**

Dopušta se izvršenje neutrošenih sredstava doniranih, na osnovu grant sporazuma od 20. decembra 2016. godine, između delegacije Evropske unije u Bosni i Hercegovini i Ministarstva finansija i Trezora Bosne i Hercegovine, za projekt Unapređenje rada na predmetima ratnih zločina u Bosni i Hercegovini, Kantonalnom tužilaštvu Srednjobosanskog kantona, u iznosu od 12.398,25 KM, neplaniranih u Budžetu Srednjobosanskog kantona za 2020. godinu („Službene novine Srednjobosanskog kantona“, broj 1/20).

Član 2.

Sredstva iz člana 1. ove odluke dodjeljuju se Kantonalnom tužilaštvu Srednjobosanskog kantona, 13. razdjel, glava 03, na poziciju „Brutoplaće i naknade plaća zaposlenika“, izvor finansiranja – kod 40.

Član 3.

Za provedbu ove odluke zadužuju se Kantonalno tužilaštvo Srednjobosanskog kantona i Ministarstvo finansija, svako u okviru svoje nadležnosti.